

Carsten Niebuhrs Gade 43
1577 København V
Telefon +45 7221 8800
info@trafikstyrelsen.dk
www.trafikstyrelsen.dk

Ulloq: 24-09-2026
Suliap normua: 2025-280983
Takussutissiap normua: 4427395
Suliamik suliarinnittoq: NICFR

Tusarniaavigisartakkanut

Maskiinat, illuutit assigisaallu silaannakkut angallassissutitut navianartorsiortitsisinnaasut il.il. nalunaaqutsersorneqarnissaat pillugit aalajangersakkat pillugit saqqummiussat sisamaannut, BL 3-10-mut missingiut pillugu tusarniaaneq

Maskiinat, illuutit assigisaallu silaannakkut angalaassissutitut navianartorsiortitsisinnaasut nalunaaqutsersorneqartarnissaat pillugit aalajangersakkat il.il. pillugit BL 3-10-p nutarterlugu saqqummiunneqarnissaanut missingiut Trafikstyrelsen suliarisimavaa.

Maannangaaq missingiut tamanut tusarniutigalugu nassiunneqarpoq.

Tusarniaanermut piffissaliussaq tassaavoq ulloq 22. oktober 2026 nal. 12:00

Oqaaseqaateqartoqassappat oqaaseqaatit, suliap normua 2025-280983 taallugu, aqutsisoqarfiup pingaarnertut mailadressianut info@trafikstyrelsen.dk-mut nassiunneqarnissaat Trafikstyrelsen noqqaassutigaa.

Missingiummut apeqquteqartoqassappat apeqqutit Nicoline Christine Fredensborg-imut, nicfr@trafikstyrelsen.dk-ikkut imaluunniit info@trafikstyrelsen.dk-ikkut apeqqutigineqarsinnaapput.

Siunertaq

BL 3-10-p, saqqummiussat sisamaata, siunertarisaa tassaavoq malittarisassanik nutaanik eqqussinissaq, tamatumalu kingorna maskiinanut, illuutitut assigisaanullu, silaannakkut angallassissutitut navianartorsiortitsisinnaasunut qulliit mianersoqqusissutit, pisariaqartitsineq malillugu aqunneqarsinnaalernissaat periarfissanngortinneqassaaq. Silaannakkut angallannerup isumannaatsuunissaa ajornerulersinngikkaluarlugu, qullernit akornusersorneqarnerit, ilaatigut anorisaatit eqqaanni najugallit misigisinnaasaasa, annikillisinneqarnissaannik tamanna siunertaqarpoq.



Tamatuma saniatigut eqqortumik paasinninnissap qulakkeerneqarnissaa siunertaralugu aalajangersakkani ataasiakkaani oqaatsitigut aaqiinerit annikitsut suliarineqarput. Pisuni, taakkunani noqarutit napparummit namminermit nalerimasumik erseqqissumik siaarsimatillugit, napparutini takisuuni noqarutit nalunaaqutsersorneqarnissaannik piumasaqaatit eqqunneqarnissaat aammattaaq siunnersuutigineqarpoq. Siunissami napparusiassanut piumasaqaat taamaallaat atuutissaaq.

Allannguutit pingaaruteqartut

BL 3-10-mut, saqqummiussat sisamaannut, missingiummi, allannguutit pingaarutillit tulluuttut suliarineqarput:

Qulliit mianersoqqusissutit, pisariaqartitsineq malillugu aqunneqarsinnaanerannut malittarisassat nutaat

Malittarisassat nutaat eqqunneqassapput, tamatumalu kingorna qulliit mianersoqqusissutit, pisariaqartitsineq malillugu aqunneqarsinnaasut, atorneqarsinnaalernissaat periarfissanngussaaq. Aappalaartunik qullernik nalunaaqutsersuinerit attatiinnarlugit, qanittumi silaannakkut angallateqartinnagu, qulliit mianersoqqusissutit akunnattumik- aamma/imaluunniit sakkortuumik qinngornillit unnuakkut ikumatinneqannginnissaat malittarisassat periarfississavaat. Qulliit mianersoqqusissutit, pisariaqartitsineq malillugu aqunneqarsinnaasut atorneqarnissaat Trafikstyrelsimit akuersissutigineqarnissaat piumasaqaataavoq, aamma pingaarnertut radarip imaluunniit aallakaatitsissutip tiguisartup (transponderip) atorneqarnerani akuerineqarsinnaapput.

Ukioq kingulleq malittarisassat BL 3-10-mi, saqqummiussat pingajuanni, eqqunneqarnissaat Trafikstyrelsip aallarnerniarsimavaa. Taamaattoq tamanut tusarniaanerp kingorna, tusarniaanermi akissutit tunngavigalugit, tekniskiusumik piumasaqaatit erseqqinnerusumik nalilersorneqarnissaat siunertaralugu, pisariaqartitsineq malillugu aqutsisinnaaneq pillugu malittarisassat inaarutaasumik saqqummiunneqartumit peerneqarput. 2026-imi ukiup affaata siulliup ingerlanerani taamaattumik Trafikstyrelsip soqutiginnittut aamma tusarniaavigisartakkat malittarisassat pillugit oqaloqatigisarsimavai, kiisalu piumasaqaatit nutaamik nalilersuiffigineqarnerannik suliaqarsimalluni. Tamakku tunngavigalugit malittarisassanut missingiut nutaaq tamanut tusarniutigalugu nassiunneqarpoq.

Immikkoortut, tusarniaanermut akissutitut amerlanerpaanut pissutissaqalersitsisimasut, aamma missingiummi nutaami tassani malittarisassat ilusilersorneqarnissaannut Trafikstyrelsip siunnersuutai, ataani eqikkarneqarput.

Qulliit aappalaartut aalajangersimasut sakkukitsumik qinngornillit unnuakkut ikumaannartassapput

Pingaarnertut qulliit mianersoqqusissutit, pisariaqartitsineq malillugu aqutsinermut systemip qamissimappagit, maskiinat, illuutit assigisaallu, silaannakkut angallassissutitut navianartorsiortitsisinnaasut qaqukkulluunniit aappalaartunik aalajangersimasunik B-tut suussuseqartunik atortulersorneqarnissaat pillugit BL 3-10-mi piumasaqaammik, saqqummiussat sisamaattut missingiummi imm. 12.4.2-mi Trafikstyrelsi aalajangersaavoq. Qulliit mianersoqqusissutit, qamivinneqartannginnissaat piumasaqaatip taamaammat





kinguneraa, tamannalu qulliit qinngornerinit mingutsitsinerup killilerneqarnissaanik malittarisassiuinerup siunertavianut akerliusoq, taamaammat tusarniaavigineqartut arlallit siusinnerusukkut maluginiarsimavaat.

Tamatuma peqatigisaanik timmisartornermi isumannaatsuunissaq attatiinnarlugu, maskiinat, illuutit assigisaallu silaannakkut angalaassissutitut navianartorsiortitsisinnaasut qulliisa avataanni eqqaamiunut annertunerusumik innimiginnissinnaasunik allatut qinigassanik nassaassaqaarnersoq, taamaammat aqutsisoqarfiup misissorsimavaa. Taakkununga taarsiullugu qulliit infrarødiusut, inuup isaanit takuneqarsinnaanngitsut, kisiannili atortunit immikkut ittumik tekniskiusunit malugineqarsinnaasut, assersuutigalugu isarussat unnuami atorneqartartut, pillugit piumasaqaatinik piumasaqaateqartoqarsinnaanersoq aqutsisoqarfiup ilaatigut misissorsimavaa.

Taamaammat Illersornissaqarfik Trafikstyrelsen oqaloqatigisimavaa, taakkulu qulliit mianersoqqussutit aappalaartut sakkukitsumik qinngornillit aalajangersimasut, silaannakkut angallannermut annertuumik pingaaruteqartut ilisimatitsissutigaat, tassami sakkutuut unnuakkut timmisartortarnerat isarussat unnuami atorneqartartut atorlugit atornagillu pisarmata. Taamatut pisoqartillugu, taakkunani isarussat unnuami atorneqartartut atornagit timmisartortoqarluni, qulliit infrarødiusut maskiinat, illuutit assigisaallu silaannakkut angalaassissutitut navianaateqarsinnaasut takuneqarsinnaanissaasa qulakkeerneqarnissaanut taamaalillutik naammassanngillat. Tamatuma saniatigut inuit sakkutuujunngitsut silaannakkut angallattarnerannit allaanerusumik sakkutuut timmisartortarnerat qutsissutsit aamma sukkassutsit allat atorlugit pisarpoq, tassani qulliit mianersoqqussutit sakkukitsumik qinngornillit, tamanna pisariaqartillugu, piffissaagallartillugu maskiinat, illuutit assigisaallu silaannakkut angalaassissutitut navianaateqarsinnaasut pillugit Illersornissaqarfiup timmisartortartuisa paasisaqarnissaannut qisuariaateqarnissaannullu periarfissiipput.

Tamanna tunngavigalugu pisariaqartitsineq malillugu aqutsinermut systemi ingerlatillugu, qulliit mianersoqqussutit aappalaartut sakkukitsumik qinngornillit aalajangersimasut pillugit piumasaqaat attatiinnarneqarpoq.

Pisariaqartitsineq malillugu aqutsinermut systemip aallakaatitsissutimit tiguisartumit (transponerimit) tunngaveqartup kalerrisaarutit sorliit minnerpaamik maluginiarsinnaasusnaanera pillugit

Kalerrisaarutit tulluuttut minnerpaarpaamik malugineqarsinnaappata, pisariaqartitsineq malillugu aqutsinermut systemi aallakaatitsissutimit tiguisartumit (transponerimit) tunngaveqartoq atorneqassasoq, Trafikstyrelsen innersuussutiginiarpaa:

- Mode A/C
- Mode S/ELS
- ADS-B

BL 7-100-ukkut, *SERA pillugu peqqussummut aalajangersakkat ilassutaasut-kkut* (saqqummiussat pingajuat)-tigut 1. juli 2026-imiit silaannarmi D-mik aamma G-mik suussusilersukkami unnuakkut VFR-mik timmisartorneq (takuneqarsinnaasut malillugit timmisartornermut malittarisassat malillugit timmisartorneq) silaannakkut angallassissutinit SSR-transponderilinnit, timmisartornermi A-tut aamma C-tut qanoq issusilimmi imaluunniit



timmisartornermi S-itut qanoq issusilimmi suliaqartunit, taamaallaat ingerlanneqarsinnaasoq pillugu piumasaqaatip eqqunneqarnera tassunga tunngaviuvoq.

Massakkuugallartoq taamaammat pisariaqartitsineq malillugu aqutsinermut systemi taamaallaat ADS-B-mik tunngaveqartoq Trafikstyrelsip akuerisinnaanngilaa, tassami systemip taamaattup silaannarmik atuisut tamaasa malugisinnaanavianngilai. Silaannakkut angallannermi isumannaatsuunissaq eqqarsaatigalugu, systemip minnerpaamik Mode A/C, Mode S aamma ADS-B minnerpaamik maluginiarsinnaasariaqaraa, taamaammat pisariaqartut nalilerneqarpoq.

Tamatuma saniatigut tamanut atugassiatut FLARM, ADS-B, Mode A/C aamma Mode S systemit tigusinnaagaat, suliffeqarfiit arlallit pisariaqartitsineq malillugu aqutsinermut systemit pillugit immikkut ilisimasallit, Trafikstyrelsimut ilisimatitsissutigisimavaat. Aammattaaq nunanit allanit misilittakkat, matumani ingammik Tysklandimit, tassani anorisaatinut qullilinnut, silaannakkut angallatit mianersoqquneqarnissaannut ikkussorneqartunut tamanut unnuakkut pisariaqartitsineq malillugu aqutsineq piumasaqaataalluni, kiisalu Nederlandenit misilittakkat, aqutsisoqarfiup pingaartissimavai.

Silaannakkut angallassissutit Mode A/C- aamma Mode S-transponderillit nalunaarsorsinnaajumallugit akornutitik piginnittut namminnek radarissaminnik pingaannginnermik aningaasaliissanngillat. Anorisaateqarfimmi transponderimik tigusisinnaasumik ikkussinissaq naammappoq. Qallunaat naalagaaffiata silaannartaata ilaanni anorisaateqarfiusuni, pingaannginnertut radarit atorlugit nakkutilliisoqarnera, tassunga pissutaavoq.

Qullernik, silaannakkut angallatit mianersoqquneqarnissaannut ikkussorneqartunik, pisariaqartitsineq malillugu aqunneqartunik taamaallaat unnuakkut atuinissaq akuerineqarpoq

Qulliit mianersoqqusissutit, silaannakkut angallatit mianersoqquneqarnissaannut ikkussorneqartut, pisariaqartitsineq malillugu aqunneqartut aamma ulluunerani ikumasarnissaat akuersissutigineqartariaqannginnersut, malittarisassat nutaat suliarineqarnerannut atatillugu Trafikstyrelsip isumaliutigisimavaa. Kisianni BL 3-10-mut, saqqummiussat sisamaannut missingiummi imm. 12.4.1 malillugu, pisariaqartitsineq malillugu aqutsinerup taamaallaat unnuakkut atorneqarsinnaanera pillugu piumasaqaat, Trafikstyrelsip attappaa.

Unnuaaneranut sanilliullugu ulluunerani nalinginnaasumik silaannakkut angallannerusoqartarnera, tamatumalu peqatigisaanik ulluunerani silaannarmik atuisut assigiinngitsunik suussusillit silaannarmik atuisarnerat tassunga tunngaviuvoq, matumani timmisartut aarsaartaatit, timmisartut oqitsuararsuit, kigaallassaaserluni pissittartut, anorisaammik qullartaasiamik aarsaarutit il.il. Silaannarmik atuisartut taakku assigiinngitsunik killiffilinnik tekniskiusunik atortoqarlutillu elektroniskiusumik takuneqarsinnaapput, aamma massakkuugallartillugu qallunaat naalagaaffiata silaannartaani silaannakkut angallassissutit inuttallit tamarmik digitaliusumik takuneqarnissaanissaat pillugit piumasaqaateqanngilaq. Pisariaqartitsineq malillugu aqutsinermut systemit taamaammat imaanngillat silaannakkut atuisunik attuumassuteqartunik tamani maluginnissinnaasussaasut aamma taamaammat qullernik silaannakkut angallatit mianersoqquneqarnissaannut ikkussorneqartunik, pisuni tamani ikinneqarnissaannik qulakkeerinnittussaasut. Tamanna silaannakkut angallannermi isumannaatsuunissamut ajortumik sunniuteqarsinnaavoq, tassami ajutoornerit pinaveersaartinniarlugit qulliit, maskiinat, illuutit assigisaasalu, silaannakkut angallassissutitut



navianartorsiortitsisinnaasut takuneqarsinnaanissaat, aamma "last line of defense"-itut atorneqarsinnaanissaat siunertarineqarluinnarmat.

Siunissaq eqqarsaatigalugu ulluunerani pisariaqartitsineq malillugu aqutsinerup isumaliutigineqarsinnaanera mattunneqarsinnaanngilaq, kisianni massakkuugallartillugu silaannakkut angallannermi isumannaatsuunissamut sunniutissat suunersut naammattumik qulaajarneqarsimanngillat.

Noqarutitik (barduuninik) nalunaaqutsersuineq

BL 3-10-mut missingiummi imm. 9.3 malillugu, napparutini portusuuni noqarutit avalliit noqarutip ilaani napparummit 150 meteriniittut imaluunniit suli ungasinnerusumi nalerimasumik inissisimasut aamma nunap qaavanit 100 meterinik imaluunniit qaangerlugit qutsinnerusuni inissisimasut ulluunerani nalunaaqutsersuutitik, erfalasunik, qullernik mianersoqqussutitik sakkukitsumik qinngornilinnik B-tut suussusilinnik assigisaannilluunniit nalunaaqutsersorneqarnissaat, Trafikstyrelsen innersuussutitiniarpaa. SERA pillugu peqqussummi maskiinat, illuutit assigisaallu, silaannakkut angallassissutitut navianartorsiortitsisinnaasut ungasissusissaannut piumasaqaat 150 meterimut killiussassatut siunnersuutigineqartup aallaavigivaa, tamatumalu peqatigisaanik 100 meteritut qutsissusissap, mittarfimmut eqqaanullu pisortatigoortumik isumannaallisaanermut pilersaarutip maskiinanik, illuutitik assigisaannillu, silaannakkut angallassissutitut navianartorsiortitsisinnaasunik nalinginnaasumik nalunaaqutsersuisarnerup avataani qutsissusissaq assigaa.

Noqarutit tassaapput sisammik wireriliat, nunamut aalajangersakkat aamma taassuma aalajaallisarneqarnissaanut napparummut aalajangersarneqartut. Napparutini portusuuni noqarutit amerlanertigut killiffinni assigiinngitsuni aalajangersarneqartarput aamma napparummit ungasissutsini assigiinngitsuni aalajangersaaffinnut tasinneqartarlutik. Noqarutit taamaalillutik silaannakkut angallannermut navianartorsiortitsisinnaapput, ingammik VFR-mik timmisartornermut (takuneqarsinnaasut malillugit timmisartornermut malittarisassat malillugit timmisartornermut), qulimiguullit timminerannut, matumani HEMS aamma SAR ilanngullugit, kiisalu pukkitsumi suliakkerinermut tunngasumik timmisartornermi allani. Noqarutit taakku takussaasutut isikkumittut silaannarmat takuneqarsinnaanerat ajornakusoorsinnaammat, ingammik sukkasuumik timmisartornermi kiisalu pissutsini, taakkunani erseqqarissuseq annikillismalluni aamma seqinermoorinerni, aarlerinaat sakkortusineqartarpoq. Napparutini portusoorujussuarni noqarutit nalerimasumik siaarneqarnikut ima pingaaruteqartigisinnaapput, taakku isumannaallisaanermut ungasissusissamut, maskiinat, illutit assigisaallu, silaannakkut angallassissutitut navianartorsiortitsisinnaasut eqqaanni ungasissusissamut nalinginnaasumik naatsorsuutigineqartumut, annikillisitsisinnaanernut ajornartorsiummut ingammik atassuteqarlutik. BL 3-10-mi massakkut aalajangersakkani napparutit nammineq maskiinatut, illuutitut assigisaatullu, silaannakkut angallassissutitut navianartorsiortitsisinnaasutut aallaaveqarput, taamaammallu napparut nammineq nalunaaqutsersorneqassaaq, tamatumalu peqatigisaanik noqarutit siaarsimanerat pisut ilaanni ima pingaaruteqartigilersinnaapput, noqarutit immikkut ittumik nalunaaqutsersorneqarnissaat pisariaqalersinnaalluni.

Napparutitut noqarutilersukkanut, BL-ip atuutilernerata kingorna sananeqartussatut kissaatigineqartunut, piumasaqaat aallaaviatigut atuutissaaq, tassami napparutit piusut BL 3-10-mut missingiummi imm. 18.4-mi aalajangersakkami ilaatinneqartussaapput.



Allannguutit allat

- Erseqqissuutitsinissaq annertusarniarlugu **allataq sumiiffinni arlalinni erseqqissarneqarpoq.**
- Malittarisassat atoruminarsarneqarnissaat siunertarlugu, **anorisaateqarfiit pillugit immikkoortut siusinnerusumut naleqqiullugit allannerusumik oqaasertaliorneqarput.** Tamatuma saniatigut isimit takussaasut nalunaaqutsersorneqartarnerannut tunngatillugu, piviusumik nalilersuineq malillugu, anorisaateqarfiit akornanni ungasissutsit isimit takussaasut taamaallaat annikinnerusumik 900 meterit qaangissagaat, aqutsisoqarfiup akuersissutigisinnaagaa erseqqissarneqarpoq.
- Paasinneriaatsit eqqortumik paasineqarnissaat qulakkeerniarlugu, **nassuaatit arlallit naleqqussarneqarput.**
- Anorisaatit pillugit suliniutinut 100 meteriniit 150 meterit tikillugit portussusilinnut, 1. januar 2026 sioqqullugu aallartinneqartunut, imm. 18.6-imi **ikaarsaariarnermut aalajangersagaq ilanngunneqassaaq.** Ataani "Atuutilerfissaa aamma ikaarsaariarnermi aalajangersakkat" ataanni tamanna pillugu erseqqinnerusumik takusaqarit.
- **Qulliit mianersoqqussutit sakkukitsut suussusaat assigiissarneqarput,** taamaalilluni siumut isigisumik suussuseq B pingaarnertut atorneqassalluni.

Aningaasaqarnikkut allaffissornikkullu kingunissaa (inuussutissarsiornermut innuttaasunullu)

BL 3-10-mi, saqqummiussat sisamaanni, allannguutit, aningaasaqarnikkut allaffissornikkullu kinguneqassasut, Trafikstyrelsen nalilersimavaa.

Qulliit mianersoqqusissutit pisariaqartitsineq malillugu aqunneqartut

Pisariaqartitsineq malillugu aqutsinermut systemip pilersinneqarnissaanut aamma ingerlaavartumik atorneqarnissaanut atasumik aningaasatigut kinguneqartitsisoqassaaq. Qulliit mianersoqqusissutit pisariaqartillugu aqunneqarnissaat piumasaqaataassanngilaq, aamma taamaammat qullernik mianersoqqusissutinik piginnittup nammineq malittarisassat nutaat atussanerlugit kissaatiginerlugu aalajangissavaa.

Pisariaqartitsineq malillugu aqutisinnaanermut systemimik pilersitsinermut atasumik aningaasartuutitut pissutsit assigiinngitsut arlallit apeqqutaassapput, matumani aaqqiinermi aallakaatitsissummik tigusisartumik (transponderimik) tunngavillip aamma pingaarnertut radarip akornanni toqqaasoqarnissaa ilanngullugu. Anorisaateqarfiup angissusaa, matumani anorisaatit akornanni ungasissutsit, aamma aningaasartuutitut pingaaruteqarput, tassami transponeritut tigusissutit amerlanerusut ikkussorneqarnissaat anorisaatit akornanni ungasissutsip annertusup kingunerisinnaammagit.

Tamatuma saniatigut pisariaqartitsineq malillugu aqutisinnaanermut systemit pilersinneqarnerani aningaasartuutit assigiinngitsuunissaat naatsorsuutigineqartariaqarpoq, tassami nunami- imaluunniit immami anorisaatit kiisalu anorisaatit nutaat imaluunniit pioreersut pineqarnerat apeqqutaassamat. Ingammik immami anorisaatinik piginnittut aningaasartuutit sulit amerlanerusunik aningaasartuuteqarnissartik naatsorsuutigissavaat,





tassami immami anorisaatit tikissallugit ajornartorsiuteqarfiunerupput. Taamaammat aningaasartuutit piviusut nalorninartorta qarput, kisianni pingaarnertut isigalugu qullernik mianeqqussutini piginnittup aningaasartuutit tulluuttut aningaasartuutigissallugit naatsorsuutigissavai:

Aningaasartuutissat missiliukkat

Pisariaqartitsineq malillugu aqutsinermut systemip suussusaa	Pilersitsinermit aningaasartuutit	Ukiumoortumik ingerlatsinermut aningaasartuutit	Oqaaseqaatit
Pingaarnertut radari	7.500.000 kr.-it missaat	200.000 kr.-it missaat	
Transponderi – anorisaateqarfik mikisoq (anorisaatit 5)	370.000 kr.-it missaat	20.000 kr.-it missaat	Immami anorisaatinut pilersitsinermut- ingerlatsinermullu sulii amerlanerusunik aningaasartuuteqarnissaq naatsorsuutigineqassaaq
Transponderi – anorisaateqarfik angisooq (anorisaatit 50-it)	1.500.000 kr.-it missaat	150.000 kr.-it missaat	Immami anorisaatinut pilersitsinermut- ingerlatsinermullu sulii amerlanerusunik aningaasartuuteqarnissaq naatsorsuutigineqassaaq

Noqarutini nalunaaqutsersuinissaq pillugu piumasaqaat

Siunissami napparutilersuinerni noqarutit nalunaaqutsersorneqarnerisa pilersinneqarnerannut atasumik aningaasatigut aningaasartuuteqartoqarumaartoq, aamma aningaasartuutit nalunaaqutsersuutit suussusaasa piviusut tassunga apeqqutaassasut, Trafikstyrelsen nalilerpaa.

Kisianni aningaasartuutit annikitsuarakasiussasut, aqutsisoqarfiup nalilerpaa. Napparutit pilersinneqareersut akuersissutitik piginnassavaat, taamaalilluni piumasaqaat taamaallaat napparutitut portusuunut siunissami pilersinneqartussanut atuutissaaq. Ukiuni tulluuttuni aggersuni napparutit, piumasaqaammi ilaatinneqartussaasut, napparneqarnissaat aqutsisoqarfiup ilisimanngilaa.

Ataatsimut naliliineq

Inuussutissarsiornermut allaffissornikkut kingunissat 4 mio. kr.-it ataanissaasut, aamma taamaammat kiseqqinneqaqqittariaqanngitsut, Erhvervsstyrelsens Område fire Bedre Regulering-ip (OBR-ip) nalilersimavaa.



Allannguutitut allannut, inuussutissarsiornermut aningaasaqarnikkut kingunissaat 10 mio. kr.-it ataanissaasut, aamma taamaammat kiseqqinneqaqqittariaqanngitsut, Trafikstyrelsen nalilersimavaa.

Atuutilerfissaa aamma ikaarsaariarnermi aalajangersakkat

BL 3-10-p, saqqummiussat sisamaata **ulloq 1. januar 2027** atuutilernissaa siunnersuutigineqarpoq.

Maskiinat, illuutit assigisaallu, silaannakkut angallassissutitut navianartorsiortitsisinnaasut, ulloq taanna sioqqullugu Trafikstyrelsen akuerineqarsimasut, BL-imi imm. 5.3 malillugu maskiinat, illuutit assigisaallu, silaannakkut angallassissutitut navianartorsiortitsisinnaasut imaluunniit qullilersuinermit nalunaaqutsersuutit piusut allanngortillugit suliarineqanngippata, akuersissut nalunaarutigineqarsimasoq attatiinnassavaat.

BL 3-10 malillugu akuersissummik imaluunniit immikkut akuersissuteqarnissaq pillugu qinnuteqaatit, ulloq 1. januar 2027 sioqqullugu nassiunneqarsimasut, aamma sulii aalajangiiffigineqarsimanngitsut, pineqartillugit, taakku BL-imi nutaami tassani malittarisassat malillugit suliarineqassapput.

Pisariaqartitsineq malillugu aqutsinermit systemimut immikkut akuersissutit, BL-10-p, saqqummiussat sisamaata atuutilersinneqarnera sioqqullugu atulersinneqartunut, immikkut ittumik akuersissutit atuuffiata naanissaata tungaanut atuuttuussusertik attatiinnassavaat. Tamatuma kingorna BL-10, saqqummiussat sisamaat malillugu inaarutaasumik akuersissutit imaluunniit immikkut akuersissutit pissarsiarineqarnissaa siunertaralugu qinnuteqaat Trafikstyrelsen nassiunneqassaaq. Inaarutaasumik akuersissuteqarnermut imaluunniit immikkut ittumik akuersissuteqarnermut atatillugu pisariaqartitsineq malillugu aqutsinermit systemit pilersinneqareersut allanngortinneqarnissaat naatsorsuutigineqanngilaq.

Aammattaaq imm. 18.7-imi ikaarsaariarnermi aalajangersagaq nutaaq ilanngunneqarpoq, tamatumalu kingorna anorisaatit 100 meterit 150 meterillu tikillugit portutisut nalunaaqutsersorneqarnissaat pillugit BL-imi piimasagaatit, anorisaatit pillugit suliniutitut, ulloq 1. januar 2026 sioqqullugu aallartinneqarsimasunut atuutissanngillat. Suliniut tamanut aamma/imaluunniit oqartussaasunut tusarnutigineqarsimappat, imaluunniit sumiiffimmi pilersaarusiaq atuuttoq pigineqarpat imaluunniit pilersaarusiornermut tunngasumik imaluunniit oqartussaasunit akuersissut alla pigineqarpat, anorisaatit pillugit suliniut aallartissimasutut isigineqassaaq. BL-10-mut, saqqummiussat sisamaannut missingiummi imm. 18.7 malillugu, anorisaatit pillugit suliniutitut taamaattunut, malittarisassat ulloq 1. januar 2026 sioqqullugu atuuttut atuutissapput.

Tusarniaanermi atortut aamma atulersitsineq

Tusarniaanermi atortut Tusarniaanermut nittartakkami (www.hoeringsportalen.dk-mi) takuneqarsinnaapput, tassani tusarniaanermut allakkiaq, tusarniaanermut akissutitut tiguneqarsimasunut tamakkiisumik paasisaqartitsisoq aamma akissutitut Trafikstyrelsen akissutai aammattaaq tassani tamanut saqqummiunneqarumaarput.

Tusarniaanermik akissutit tunniussinermit, tusarniaanermut akissutit, tassani ilaalluni ateq, taamaattoqarpallu najugaq taaneqarsimasoq aamma e-mailadresse, Tusarniaanermut nittartakkami tamanut saqqummiunneqarnissaa, tusarniaavigineqartup akuersissutigissavaa.





BL-ip atulersinneqarnera pillugu, tusarniaavigineqartut Trafikstyrelsen nalinginnaasumik ilisimatitsivigisanngimmagit, maluginiarneqassaaq.

BL-it atulersinneqartut Trafikstyrelsen nittartagaani (www.trafikstyrelsen.dk-imi), Inatsisit aamma malittarisassat ataanni takuneqarsinnaapput. Nutaarsiassaaticut aamma malittarisassat atuutilersinneqartut pillugit paasissutissanik aamma imaqartarput. Nutaarsiassanik pisarniarluni nalunaaruteqarneq nittartakkakkut pisinnaavoq.

Inussiarnersumik inuulluaqqusillunga

Nicoline Christine Fredensborg

Fuldmægtigi

Trafikstyrelsen